

乾隆大藏經



乾隆大藏經



御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第五一册 大乘論(七)

十地經論 一二卷(卷一至卷一二)

佛地經論 七卷

三具足經優波提舍 一卷

成唯識論 一〇卷

廣百論釋論 一〇卷

大乘阿毗達磨集論 七卷

王法正理論 一卷

瑜伽師地論釋 一卷

顯揚聖教論頌 一卷

彌勒菩薩所問經論 七卷

無量壽經優波提舍 一卷

轉法輪經優波提舍 一卷

大般涅槃經論 一卷

天親菩薩造 元魏三藏法師菩提留支奉詔譯……………一

親光等菩薩造 唐三藏法師玄奘奉詔譯……………五三

天親菩薩造 元魏天竺三藏法師毗目智仙等譯……………一六五

護法等菩薩造 唐三藏法師玄奘奉詔譯……………一八五

聖天菩薩本 護法菩薩釋

唐三藏法師玄奘奉制譯……………三五三

無著菩薩造 唐三藏法師玄奘奉詔譯……………五四一

彌勒菩薩造 唐三藏法師玄奘奉詔譯……………六三五

最勝子等諸菩薩造 唐三藏法師玄奘奉詔譯……………六五一

無著菩薩造 唐三藏法師玄奘奉詔譯……………六六九

元魏天竺三藏法師菩提留支譯……………六八三

婆藪槃豆菩薩造

元魏天竺三藏法師菩提留支譯……………八〇三

天親菩薩造 元魏天竺三藏法師毗目智仙等譯……………八一二

婆藪槃豆作 元魏沙門達磨菩提譯……………八二三

涅槃經本有今無偈論 一卷

能斷金剛般若波羅蜜多經論頌 一卷

遺教經論 一卷

成唯識寶生論 五卷

亦名：二十唯識順釋論

十二因緣論 一卷

壹輸盧迦論 一卷

大乘百法明門論 一卷 本事分中略錄名數

轉識論 一卷

唯識三十論 一卷

因明入正理論 一卷

顯識論 一卷 從無相論出

發菩提心論 二卷

三無性論 二卷 出無相論

佛性論 四卷

大乘成業論 一卷

業成就論 一卷

因明正理門論 一卷

天親菩薩造 陳世天竺三藏真諦於廣州譯……………八三四

無著菩薩造 唐三藏法師義淨奉制譯……………八四〇

天親菩薩造 陳天竺三藏法師真諦譯……………八四五

護法菩薩造 唐三藏法師義淨奉制譯……………八七一

淨意菩薩造 元魏三藏法師菩提流支譯……………九三一

龍樹菩薩造 元魏婆羅門瞿曇般若流支於洛陽譯……………九三六

天親菩薩造 唐三藏法師玄奘奉詔譯……………九三九

陳天竺三藏法師真諦譯……………九四一

世親菩薩造 唐三藏法師玄奘奉詔譯……………九四七

商羯羅主菩薩造 唐三藏法師玄奘譯……………九五二

陳天竺三藏法師真諦譯……………九五九

天親菩薩造 姚秦三藏法師鳩摩羅什譯……………九七一

陳三藏真諦譯……………九九九

天親菩薩造 陳三藏法師真諦譯……………一〇三五

世親菩薩造 唐沙門玄奘奉制譯……………一一一三

天親菩薩造 元魏天竺三藏毗目智仙譯……………一一三一

大域龍樹菩薩造 唐三藏法師義淨譯……………一一四五

因明正理門論本 一卷

止觀門論頌 一卷

亦名：止觀門論七十七頌

手杖論 一卷

緣生論 一卷

大域龍樹菩薩造 唐三藏法師玄奘譯……………一一六三

世親菩薩造 唐三藏法師義淨奉制譯……………一一七九

尊者釋迦稱造 唐三藏法師義淨奉制譯……………一一八五

聖者鬱楞迦造

隋天竺三藏法師達摩笈多譯……………一一九一

取因假設論 一卷

觀總相論頌 一卷

六門教授習定論 一卷

陳那菩薩造 唐三藏法師義淨奉制譯……………一二〇三

能斷金剛般若波羅蜜多經論釋 三卷

陳那菩薩造 唐三藏法師義淨奉制譯……………一二一三

略明般若末後一頌贊述 一卷

妙法蓮華經優波提舍 二卷

無著菩薩本 世親菩薩釋……………一二一四

妙法蓮華經論優波提舍 二卷

論本內廣略俱備

大寶積經論 四卷

唐三藏法師義淨奉制譯……………一二二二

唐三藏法師義淨奉制譯……………一二二三

唐三藏法師義淨述……………一二五三

大乘論師婆藪槃豆釋 元魏北天竺……………一二五七

三藏法師菩提留支共沙門曇林等譯……………一二五七

大乘論師婆藪槃豆菩薩造 元魏天竺三藏法師……………一二八五

勒那摩提共僧朗等譯……………一二八五

元魏天竺三藏法師菩提留支譯……………一三二三



十地經論

元魏三藏法師菩提留支奉

詔譯

十地經論卷第十一

天 親 菩 薩 造

元魏三藏法師菩提留支奉 詔譯

善慧地第九

論曰第九地中有四分差別一法師方便成就二智成就三入行成就四說成就第八地中但淨佛國土教化衆生此第九地中辯才力故教化衆生成就一切相能教化故此勝彼故云何法師方便成就

經曰爾時金剛藏菩薩言佛子菩薩以如是無量智善思量智更求轉勝深寂滅解脫復轉求如來究竟智慧入如來深密法中思惟選擇不思議大智慧選擇諸陀羅尼三昧及智令清淨故現諸神通廣大行通達世界差別行修如來力無畏不共佛法無障調柔通

清刻龍藏佛說法變相圖



達如來轉法輪莊嚴事不捨大悲大願力得入第九菩薩地

論曰是中法師方便成就者依他利益自利益一一五三句示現依無色得解脫相可化衆生他利益故如經爾時金剛藏菩薩言佛子菩薩以如是無量智善思量智更求轉勝深寂滅解脫故依未得究竟佛智自利益如經復轉求如來究竟智故依根熟菩薩依邪念修行可化衆生依未知法衆生轉法輪今得知依邪歸依衆生依信生天衆生如是次第五句示利益他行如經入如來深密法中故思惟選擇不思議大智慧故選擇諸陀羅尼三昧及智令清淨故現諸神通廣大行故通達世界差別行故示清淨國土轉信生天衆生今入佛法故依正覺依轉法輪依涅槃

此如是次第三句示自利益行如經修如來力無畏不共佛法無障調柔故通達如來轉法輪莊嚴事故不捨大悲大願力得入第九菩薩地故不捨利益衆生大涅槃示現以得不捨大悲大願力故應知如是九地法師方便成就分已說云何智成就

經曰是菩薩住此菩薩善慧地中如實知善不善無記法行有漏無漏法行世間出世間法行思議不思議法行定不定法行聲聞辟支佛法行菩薩法行如來地法行有爲法行如實知無爲法行

論曰是中智成就者依何等法說法應知彼法淨染不二如經是菩薩住此菩薩善慧地中如實知善不善無記法行故於淨法中有漏無漏如經有漏無漏法行故復無漏法中

有世間出世間法行如經世間出世間法行故復彼法有思議不思議如經思議不思議法行故彼思議復有定不定如經定不定法行故彼復於三乘中如經聲聞辟支佛法行故菩薩法行故如來地法行故彼復三乘法中示有爲無爲依順行如經有爲法行如實知無爲法行故如是九地智成就分已說云何入行成就

經曰是菩薩隨順如是智慧如實知衆生心行稠林煩惱行稠林業行稠林根行稠林信行稠林性行稠林深心行稠林使行稠林生行稠林習氣行稠林如實知三聚差別行稠林

論曰是中入行成就者依共依共煩惱業生共染煩惱染淨等依定不定時如經是菩薩

隨順如是智慧如實知衆生心行稠林故乃至三聚差別行稠林故彼復定不定時根等次第根等相似信等如經根行稠林故信行稠林故性行稠林故深心行稠林故使行稠林故生行稠林故習氣行稠林故如實知三聚差別行稠林故稠林者衆多義故難知義故行者不正信義故云何心行稠林差別

經曰是菩薩如實知衆生諸心種種相心雜相心輕轉生相心無形相心無邊一切處衆多相心清淨相心不染相心縛解相心幻起相心隨道生相乃至無量百千種種心差別相皆如實知

論曰是中心行稠林差別者心種種差別異故如經是菩薩如實知衆生心種種相故彼心種種相有八種一差別相心意識六種差

別故如經心雜相故二行相住異生滅行故如經心輕轉生不生相故三第一義相觀彼心離心心身不可得故如經心無形相故四

自相順行無量境界取故如經心無邊一切處衆多相故五自性不染相如經心清淨相故六同煩惱不同煩惱相如經心不染相故七同使不同使相如經心縛解相故八因相諸菩薩以願力生餘衆生自業力生故如經心幻起相故心隨道生相故乃至無量百千種種心差別相皆如實知故以自性清淨心故第六第七心不染故心縛解故此二句煩惱染示現第八句心隨順道故生染示現云何煩惱行稠林差別

應相隨道生處得報相三界中差別相愛無明見箭大過相三種業因不斷相略說乃至如實知八萬四千煩惱行差別相
論曰煩惱行稠林差別者三種事示現一遠入乃至有頂故如經是菩薩如實知煩惱深入相故二難知無量善根等修集行故如經行無邊相故三染業煩惱生染故是中隨所縛以何縛及所縛事此事說煩惱染染事示現如經共生不離相故煩惱使一義相故心心相應不相應相故是中道所縛者迭共同事迭共相依共生不離故以何縛者謂使以有使故不得解脫煩惱使一義故所縛事者謂心心相應不相應故不相應者示可得解脫故身事生道界因故生煩惱染示現如經隨道生處得報相故三界中差別相故於三分

中業因障解脫故隨順世間身口意業故不斷起因故業煩惱妄想捺示現如經受無明見箭大過相故三種業根本不斷相故乃至如實知八萬四千煩惱行差別相故三分者一愛行欲衆生二無戒衆生三外道衆生云何業行稠林差別

經曰是菩薩如實知諸業善不善無記相有作未作相心共生不離相因自性盡集果不失次第相有報無報相黑業白業黑白業不黑不白業正受業差別相業因無量相聖世間差別相現報生報後報相乘非乘定不定相乃至如實知八萬四千諸業差別相

論曰業行稠林差別者道因差別示現如經是菩薩如實知諸業善不善無記相故自性差別如經有作未作相故方便差別如經心

共生不離相故盡集果差別如經因自性盡集果不失次第相故已受果未受果差別如經有報無報相故對差別如經黑業白業黑白業不黑不白業正受業差別相故因緣差別如經業因無量相故畏集已集差別如經聖世間差別相故定不定報差別如經現報生報後報相故乘非乘定不定相故乃至如實知八萬四千諸業差別相故是中自性差別有二種業一籌量時二作業時方便差別者心共生熏心不別生果故盡集果差別者無始時業自然念念滅壞集不失故有爲作業因盡集故已受果未受果差別者生報後報受不受應知對差別者黑業對白業白業對黑業不黑不白業對二業二業對不黑不白業業集成就差別應知定不定差別者三

種時定不定故三種乘定不定故非乘者世間定不定應知云何根行稠林差別

經曰是菩薩如實知諸根燦中上差別相先際後際別異不別異相上中下相煩惱共生不離相乘非乘定不定相淳熟定相隨根網輕轉壞取相相根增上不壞相轉不轉根差別相深入共生種種差別相略說乃至如實知八萬四千諸根差別相是菩薩如實知衆生信燦中利相略說乃至如實知八萬四千信差別相是菩薩如實知諸性燦中上相略說乃至如實知八萬四千諸性差別相是菩薩如實知心燦中上相略說乃至如實知八萬四千心差別相

論曰根行稠林差別有九種一諸器差別如經是菩薩如實知諸根燦中上差別相故二

根轉差別如經先際後際別異不別異相故三性差別如經上中下相故四煩惱染差別如經煩惱共生不離相故五定不定差別如經乘非乘定不定相故淳熟定相故六順行差別如經隨根網輕轉壞取相相故七聲聞淨差別如經根增上不壞相故八菩薩淨差別如經轉不轉根差別相故九示一切根攝差別如經深入共生種種差別相略說乃至如實知八萬四千諸根差別相故是中根轉差別者前後根前根下增平故性差別者於三乘中性差別故煩惱染差別者喜樂等諸根隨煩惱習使染故定不定差別者於三乘中於世間中定不定熟不熟故是中小乘不定根衆生菩薩令轉向大乘故定根者菩薩今度一一乘中解脫報定者捨順行差別

者有三種順行一身依順行迭共相縛六入展轉故二生滅順行輕壞故三觀行取相故聲聞淨差別者行增上障滅能成義故菩薩淨差別者轉不轉地差別故一切根攝差別者始行方便報熟根差別故信心中上等無量差別相皆如實知如經是菩薩如實知衆生信熾中上相乃至如實知八萬四千心差別相故如是性入應知云何使行稠林差別

經曰是菩薩如實知諸使深共生心共生相心相應不相應不離相遠入相無始來不恐怖相一切禪定解脫三昧三摩跋提神通正修相違相堅繫縛三界繫相無始來心相續集相開諸入門集相得對治實相地入隨順不隨順相不異聖道滅動相略說乃至如實

知八萬四千種種使差別相

論曰是中使者隨逐縛義故此使行稠林差別者何處隨逐以何隨逐此事差別示現何處隨逐者報非報心如經是菩薩如實知諸使深共生心共生相故心不離現事故欲色無色上中下差別如經心相應不相應不離相故隨逐乃至有頂如經遠入相故無邊世界唯智怖畏如怨賊未曾有聞思修智是故不滅如經無始來不恐怖相故世間禪定等不能滅心隨順行如經一切禪定解脫三昧三摩跋提神通正修相違相故以何隨逐者有六種隨逐六種隨逐者六句說一者有不斷隨逐以有不斷相似使作縛故如經堅繫縛三界繫相故二遠時隨逐故如經無始來心相續集相故三一身生隨逐故眼等諸入

門六種生集識同生隨逐故及阿黎耶勲故隨逐如經開諸入門集相故四不實隨逐對治實義故如經得對治實相故五微細隨逐於九地中六入處煩惱身隨逐故如經地入隨順不隨順相故六離苦隨逐出世間行餘行不能離故如經不異聖道滅動相故略說乃至如實知八萬四千種種使差別相故云何生行稠林差別

經曰是菩薩如實知諸生差別相隨業生相地獄畜生餓鬼阿脩羅人天差別相有色無色生差別相有想無想生差別相業是田愛是水無明是黑闇識是種子後身是生牙相名色共生而不離相有癡求愛相續相欲愛欲生樂衆生相續無際相貪著三界相出相皆如實知

論曰生行稠林差別有八種一身種種如經是菩薩如實知諸生差別相故二業種種如經隨業生相故三住處種種如經地獄畜生餓鬼阿脩羅人天差別相故四色相上下種種如經有色無色生差別相故有想無想生差別相故五同外色因種種如經業是田愛是水無明是黑闇識是種子後身是生牙相故六自相種種如經名色共生而不離相故七本順生因種種如經有癡求愛相續相故八集苦諦種種差別示現如經欲愛欲生樂衆生相續無際相故貪著三界想出相皆如實知故是中欲愛者樂貪共取處處求故欲生者復有樂有衆生愛自身他身心著相往來上下界取著故小大無量無想相出有輪展轉苦諦差別示現云何僧氣行稠林差別

經曰是菩薩如實知習氣行不行差別相隨道生處勲有習氣隨共衆生行行有習氣隨業煩惱有習氣隨善不善無記法有習氣後有有習氣次第隨逐有習氣深入不斷煩惱牽有習氣有實不實有習氣聲聞辟支佛菩薩如來見聞親近勲有習氣皆如實知

論曰習氣行稠林差別有十種一與果現在非現在差別如經是菩薩如實知習氣行不行相故二道勲差別如經隨道生處勲有習氣故三親近衆生勲差別如經隨共衆生行行有習氣故四功業煩惱勲差別如經隨業煩惱有習氣故五善業等勲差別如經隨善不善無記法有習氣故六中陰勲差別如經後有有習氣故七與果次第勲差別如經次第隨逐有習氣故八離世間禪因勲差別遠

入勲不斷煩惱煩惱牽故如經深入不斷煩惱牽有習氣故九同法異外道行解脫勲差別如經有實不實有習氣故十乘勲差別示現如經聲聞辟支佛菩薩如來見聞親近熏有習氣皆如實知故云何三聚行稠林差別經曰是菩薩如實知衆生三聚正定相邪定相離此二不定相正見正定相邪見邪定相離此二不定相五逆邪定相五根正定相離此二不定相八邪邪定相正位正定相更不作故離此二不定相妬恚惡行不轉邪定相修行無上聖道正定相離此二不定相皆如實知佛子菩薩隨順如是智名爲安住菩薩善慧地

論曰衆生三聚行稠林差別有五種一有涅槃法無涅槃法三乘中一向定差別如經是

菩薩如實知衆生三聚正定相邪定相離此
二不定相故二善行惡行因差別如經正見
正定相邪見邪定相離此二不定相故三惡
道善道因差別如經五逆邪定相五根正定
相離此二不定相故四外道聲聞因差別如
經八邪邪定相正位正定相更不作故離此
二不定相故五菩薩差別示現如經妬憍惡
行不轉邪定相修行無上聖道正定相離此
二不定相皆如實知故捨可化衆生名妬不
喜施他財名憍過能生他苦惡行不轉菩薩
波羅蜜相違邪定菩薩是名法師方便成就
智成就入行成就三種事成就此地中善住
如經佛子菩薩隨順如是智名爲安住菩薩
善慧地故云何說成就與衆生解脫方便故
經曰是菩薩住此菩薩善慧地已如實知衆

生如是諸行差別相隨其解脫而與因緣是
菩薩如實知化衆生法如實知度衆生法說
聲聞乘法說辟支佛乘法說菩薩乘法如實
知說如來地法是菩薩如是知已如實爲衆
生說法今得解脫隨心差別隨使差別隨根
差別隨信差別隨境界差別種種行習氣隨
順一切境界智隨順性行稠林隨生煩惱業
習氣轉隨聚差別隨乘信令得解脫而爲說
法

論曰說成就者隨其解脫而與因緣如經是
菩薩住此菩薩善慧地已如實知衆生如是
諸行差別相隨其解脫而與因緣故彼說成
就復三種相示現一智成就二口業成就三
法師成就智成就者隨所知隨所依此事說
應知何者隨所知說解脫器得熟故解脫體